

皇清文穎續編

皇清文頴續編卷二十四

頌

皇上五旬萬壽頌

謹序

王文治

洪惟我

皇上以神聖文武撫馭方甸卽位以來兩暘時至羣  
生茂育六合之間靡弗順敘德洋而威懾荒服  
遠徼之長山陬海澨之氓回面革心歸徠

闕下禮樂之所馴化文武之所張弛人樂年豐戶

興弦誦仁澤之懿洽太平之治隆歲維上章執  
徐仲秋旬有三日欣逢

皇上五十聖壽凡茲臣民踴躍忭舞喜錫福之日長  
介萬年而作頌且夫聖人挺生天地隆眷及治  
定功成懋修益至皇天之親有德饗有道者益  
厚且久於是乎有備諸福之同有邁期頤之壽  
上下感應其理然也伏維

皇上道集厥躬功烈燁赫而乾健不息敬慎以勤其

所以受無疆之休者雖以天保之所歌卷阿之  
所咏猶未足以上副

聖德書曰天壽平格傳曰善言天者必有徵於人

臣

雖愚陋竊思美盛德之形容附詩人之遺義以  
見

天之於我

皇上保佑命之而又申之降祥錫嘏而其來未有艾  
者其致之有由其承之有本謹撰

萬壽頌十二章章二十句稽首頓首以獻

維

上帝降鑒下方疇德克昌全昇九有永乂永康皇矣  
聖清厥德丕揚

世祖龍奮式廓我土疆

仁祖

憲宗連熙紹光上下無外於我

皇我

皇承之

天禧疑之錫以純嘏是申是又是單是究是固是茂  
惟

天其右

皇萬年壽 一章

帝德其明其爲民正祁祁蒸民含情以生作之師保  
圖於不爭女勤蠶績農恬於耕則樂其業則篤其享  
則誠於

壽域維

皇享厥成便便其寧豐豐其興以昭嘉德以鳴威蕩  
禮既詳只樂既洽只巍巍我

皇爲天下法只二章

誕嵩嶽降神弼於

一人九官百職師師爲鄰

元首之明股肱其臣惟內之臣以陶以甄惟外之臣  
揚光播仁流沙日出咸尊咸親疇咨爲先後疇咨爲

疏附疇咨爲奔奏疇咨爲禦侮懷誠感禮是弼是輔  
輔於

天子爲羣生主

三章

粵醫巫閭之山混同江之水興雲緼緼厥蔭松梓曰  
有

聖人曰

文孫子曰脩矣途載徂展祀有翩

龍旂以時戾止有蕤其舟盛粢簠簋愾其慕思載飭



典禮

靈眷顧之貽

帝冬社

帝既受祉湛恩洪被鎬京之宮新豐之里

四章

帝省其方迺諏良時

雲旂飄揚六轡委蛇出自

天閭達於九達見我農人踴躍胼胝

帝眷有渥蠲之恤之我苗碩矣我黍膏矣春陽遲遲

提筐祁祁眠蠶作繭三纜成絲我民幸生

聖世永無寒無饑無寒無饑於樂無休期

五章

皇情協中允契

孔矩瞻言至止釋菜於魯何以獻之芹羞鹿脯何以  
盛之筐筥錡釜何以侑之磬管祝嘏自堂徂基至於  
兩廡克敬克誠在上如睹辟離潭潭多士所聚肄射  
廣詩允文允武示之以周行俾中梁柱

六章

大河九支湯湯其流發源崑崙被於南州

雲罕所屆是築是修河靈効順驅蛟約蚪避

帝羽仗稅於渚洲平流無波帆輕艣柔軋軋桂楫峨  
峨松舟以往以來駛達莫留滄之灌溉禾苗其稠河

安其瀾永爲民休

七章

皇奠海隅九州晏愉誰弗安弗圖而亂畧以居伊蜀  
西土金川之阻怙險以狂

帝命厥輔中權軍諮及於士伍萬人擘擘執及戈櫓  
責是不誼俾衆安所厥酋悚惶拜伏叩馬

帝曰釋之罔極予武賚熨盡祿孰予敢侮

八章

蠹彼準夷天厭其逆俾彼內訌民生弗獲

王師載徂再定其厄降虜中畔背我

恩德風馳雲驅萬馬度磧軍逼伊犁麾動天赤首惡  
走亡牙旗夜擲厥疆桀百年越收爾逋賊

詔於萬國羣罪盡滌俾讐民友民胥是安是迪

九章

皇帝曰咨來汝回鶻昔而國艱跪惟準夷爲役朕鞠  
使有依而迺背而弑旣正我伐我事旣訖汝幹汝年

俾汝恬弗怛土宇式廓俾汝以活

皇帝曰都來汝將軍自我肇功爾能弼以勤既賚厥  
勲復貌厥形銘以旂常表以丹青

十章

豐草麟遊鳴鳥在林衆式懷矣

帝以德臨合萬國歡致

大孝忱

慈寧愉康

殿幄靖深有依

天子其依欽欽孝思維則天下歸心天下歸心自昔  
列祖旣揚休光曰繩

前武

帝纘隆緒迺集多祜旣壽永昌我禴孔庶

十一章

仲秋之月蓐收職辰南極朗曜式臨丙分秋葩揚馨  
月中於天於鑠景光休嘉具臻是臻是復曰綏百祿  
臣拜稽首

聖恩之篤億萬萬世遍撫有四隩俾我治以肅俾我

和以育純嘏壽考是永是續續康衢吟惟羣黎之心  
十二章

皇太后七旬萬壽頌

謹序

梁詩正

臣

聞古帝王握樞建化茂登邳理芬德邕乎二  
儀洪輝燦乎四極而篤基綿祚必推本於華胥  
若水之發祥用以襲履珍符肇崇孝治延洪錫  
羨中外禔福斯三五之隆軌也欽惟

聖母皇太后至仁育物道闡坤珍裕灑氣於祥和葆  
化原於太始我

國家翠嬭受圖蒼牙衍緒貞元合會



景命載申

天將大啓

聖皇以涵柔萬宇故三靈協氣實先景集於

慈躬夫水始於壬天之元也金盛於申地之寶也在

十有一月律首也在二十有五曰乾數也太和

之基萬福之源惟

泰元寶命之是以博厚安貞黃中通理

淑儀懋乎二南

嘉範冠乎十紀含宏光大道協資生醲化懿綱不言  
而溥用能俾熾俾昌自

天篤祐康強逢吉推策億齡蓋戩穀之徵有自來矣  
我

皇上孝本天經尊崇

璇室祇承

懿訓提挈化樞恢無疆之丕基篤奕世之燕翼宵衣  
旰食無逸永年仁紀道綱靡遠弗屆九圍之內

浴澤者傾忱晞風者內面數年以來削平堅昆  
綏柔勃律取章式廓西越筠沖左言雕髻之民  
納秬獻稗谷蠡屠耆之長受吏稟朔

道隆繼述丕集大勲以顯揚

聖母之慈教以覃敷

聖母之化光七德昭宣諸福咸致登平旣奏尊養益  
隆廣輪所屆含識負氣之倫靡不游源泳沫軒

龔交悅謂

聖母徽音以

皇上聖神文武而益顯

皇上孝德以

聖母康寧壽考而彌彰唐哉皇哉斯爲極盛今茲歲

紀重光黃鐘應律三微肇瑞萬物資始恭逢

皇太后七十萬壽之期淑氣所蒸高卑順序圓顛去

趾歌舞祝

釐者視協洽之歲爲尤殷茂典禱皇四方來賀踰沙

軼漠琛賁畢臻方將採龜茲之樂試白題之舞  
萃金膏水碧燭銀璫珠之瑰異合白環玉瑄器  
車丹甑之奇麗煌煌燁燁並獻

彤闈復納中外臣工之請由近郊以接西掖開四達  
之爽塏備班垂之經營高閣周建修廊鬱起繞  
以璧璫鉅砌環以琪樹瑤泉飾以火齊玫瑰之  
珍被以吳綾蜀錦之采黼繡駢張金翠照爛魚  
藻曼衍夾路而陳珠宮瓊宇之觀以敞麟洲鷺

嶺之靈以集

寶輦所經凡冠帶之儔並蛾伏道左用效呼嵩之忱  
蓋百產殷繁衆庶駢翕從萬民之欲以廣

慈仁之豫也於是禮官練辰晉加

鴻號玉函金冊炳炳琅琅彝章具舉照耀天地歸善  
之典於斯備焉屆稱觥之日展百禮合廣樂三  
漿六膳九几五筵陳於

壽康之宮

皇上製奎章以祝

萬齡

躬起舞以侑霞觴九奏鏘鏘

天容穆穆承歡之禮於是極焉當是之時燕衍昭於  
宮廷太和洽於宇宙行麗洪之

湛恩推丕冒之元化金雞木鳳

詔行萬里蕩滌瑕穢迎導休嘉錫類之仁亦於斯徧  
焉昔成周盛時深仁厚澤覃及臣庶而風化基

自宮闈若任姒之德至今炳耀於南雅蓋王澤  
洽而頌聲作也

今日之盛允符斯義夫合萬國之歡心敷庶民而  
錫福聲教暨訖人文化成

皇上本天之  
大孝也際玉燭之熙和居穆清而端拱  
宜民受祿彌性優游

皇太后極天之厚福也土則七政同躔三辰告契月  
正元日璧合珠聯叶乎大撓推步之初天符應



也下則百昌向榮萬物得所耆年宿老鳧趨鱗  
集比於河渚告圖之世人瑞臻也總集純嘏備  
致嘉祥尤爲亘古所希有臣久侍

內廷遭逢慶會私心忻忭莫可名喻又忝領承明  
著作之署宜率先羣彥和其聲以鳴盛謹作頌  
十有二章自宮闈本支以逮乎四裔推厥禱祝  
之忱各從其類而一本以天人之應福德之同  
雖拙文陋識不足追媿古人然竊附詩人天保

之義畧抒葵藿寸悃云爾

珠宮晨闕陽和熙熙孰煦而育

聖母之祺範我以

德義矩禮規育我以

惠醴甘露滋體靜者壽養福者慈億萬斯年鞏我坤  
維

右宮闈頌

麟趾仁厚實應闕睢

堯親九族教本

慶都綿綿瓜瓞一本萬殊春之盎盎一氣分敷旣醉  
五福燕衍愉愉億萬斯年光我瑞圖

右本支頌

有來師師泰交協兆虎拜稽首

彤墀雲曉

聖母開天元氣顥顥我

皇錫類露湛豐草鹿鳴旣歌答以天保億萬斯年涵

和八表

右百辟頌

瑤京窈哉

金母所居定省有常我侍

宸輿鶴籥載啓左右是趨良辰嘉月式燕樂胥仰瞻  
龍衣色養弗渝億萬斯年

孝治爲模

右瞽御頌

皤皤九老黃髮貽背拖紫紆青振我霞珮

玉階雝雝各以其位潤我

慈福天膏既醉香山耆英數贏以倍億萬斯年瑤池  
嘉會

右耆老頌

有謳於衢歡聲若雷有忭於郊奔走偕來言瞻九陌  
路入蓬萊芝栢闔闔虹梁崔嵬

聖母蒞止五雲晝開億萬斯年樂我春臺

右畿甸頌

慈雲藹藹醞釀太和

帝奉

安輿游豫載過醴泉甘露岐麥嘉禾嶽瀆郊椒厥瑞  
孔多高者南山長者洪河億萬斯年升恒載歌

右方嶽頌

天生蒸民飲食作息

壽母錫福羣黎徧德華黍山庾豐我稼穡酌彼衢尊

共飫甘液祝福穰穰時萬時億億萬斯年永康化域

右輿人頌

於樂辟雍誦絃愔愔

慈祐如天逮我子衿藁榜載啓歡生藝林譽髦斯士

德本

太任鹿食於野鶴鳴於陰億萬斯年雅頌流音

右士林頌

帝承

祖訓蒐彌克勤我屬橐鞬載燧

旌門仰見

六龍親導

金根

慈顏有懌

帝推其恩龍光是荷如春之溫億萬斯年福我塞垣

右藩服頌

斗樞誕祥黃軒以作



帝握威弧定我戎索墨克天方

聖化載拓昔患搏噬今安畊穫羌筮吹春烟融大漠  
億萬斯年

壽宇是託

右新疆頌

我山而梯我水而航我奉天琛以謁

明堂於維

聖母啟我

聖皇風雨和甘海波不揚至治馨香

天降厥祥億萬斯年進

萬壽觴

右四齋頌

皇太后七旬萬壽頌

謹序

王際華

國家久道化成重熙累洽周迴六幕烟熅元氣之  
都平正三階調協泰符之寓時則

皇上御極之二十六年九五當陽欣逢

聖母慈壽之億萬千年六二受福天數一地數六合  
久大以成能辛重光已重巽值文明之紀歲日  
辰則木火金水已得黃中嚮道則赤白青黃日  
行南至春留萸葉五數居河圖中宮氣驗葭灰

萬事以黃鍾根本乾苞坤絡合綿算於

瓊闈天珍地符紀

仙籌於金祀且夫先王要道莫重於孝天子有善則  
歸之親凡我

皇上之錫類推恩中外禔福皆

皇太后之凝和集祉遐邇蒙庥爾其扇仁風被潤澤

鴻模翕輓駿業懋昭播

淳化於西陲慕

王猶而北面廣二萬餘里之遠不盡流沙統二十八宿所分至於濛汜括四瀛於王會齊七政於天  
方共煦

慈暉聿彰

純佑遂乃穆清司契圓靈效符在七十二候之履端  
現萬有千年之上瑞兩儀合度五緯同躔太史  
登臺以書挈壺眠祥而奏積同縣圃有抱珥之  
重輪探出珠囊得藏淵之一串王者孝而鉤鈐

耀聖人出而壽星明古有斯占今爲特盛然而  
皇衷謙抑

予一人其敢安之實惟天象昭回

皇太后福之致也於是諏良日舉西巡啓六御以時  
乘及二月之初吉無量壽佛頂禮以迓

慈軒

有道聖人行慶而隨

安簞

堯觀乎華閭祝以三

帝省其山若臺者五有補有助爰豫爰遊此所謂以  
天下養乎

親厥庶民錫之福者也爾乃萬方和會九土詠歌思  
介

壽於寰中共顛誠於

闕下物不召而自至民弗亟而子來極地之毛羅  
天之產梯山航海之所效日暭月寤之所輸內

則百司外薄四海扶鳩之杖騎篠之童穿胸鑿  
齒之人交趾鍊耳之部靡不效茲階舞酌以衢  
尊

皇帝備物承

歡因心養

志宿當珠斗月滿瓊輪屬

萬壽之先期計十千之成數

金根雷動玉仗星羅兩行之雉扇初開五色之翠旂



徐飈晨光絢采乍轉曦車宵露凝珠都盛寶甕  
山名萬壽如聞嵩嶽之呼水出玉泉乃見璇源  
之遠桂栢蘭橈之容與縠波綺旭之融和御

法駕於虹橋望

天閭之雲堞

皇帝恪恭先導孺慕中形依

色笑於膝前奉

德音於輦側

天容有喜輒緩轡以承

顏春色無邊或停驂而待

問則有樓臺天上城闕日邊三英之草如雲四照之  
花似錦魚莊鱗舍依稀葑屋人家翠水丹房縹  
緲瑤池歲月萬人如海樹陌上之堯樽一曲皆  
春動樓頭之舜樂盛矣美矣唐哉皇哉彩鳳扶  
輪入自宜春之苑青鸞駕輦莅乎

長樂之宮珍膳

親調春觴日進采山中之石髓挹掌上之仙漿九醞  
之酒盈於樽再熟之稻以爲飯膳漢南之鶉鳥  
膾海西之鱈魚安期之棗如瓜麻姑之麟爲脯  
侑以方物備茲隆儀屏織八繭之蠶筆灑三危  
之露

天文炳煥三謨二典之詞

慈慶綿長百福九如之頌法星象而取連珠之體合  
卦數而留大衍之虛遠物則東鑠西鷄古器則

周蕤商敦青邱之瑞土元山之嘉禾七襄九章  
之衣黼華延喜之玉爾雅五方之美禹貢九州  
之珍以是合萬國之歡以是將

一人之孝洎乎舉盛典上鴻稱

九重祇肅以加隆百爾恪恭而將事虎賁導以羽衛  
樂部隨以簫韶

聖母具法服而騰雲日之輝

天子拜彤庭而進山川之祝

金書鳳紐鐫玉字而璘璠

寶璽龍盤緘瑤函而煜爚

徽音崇顯晉一十四字隆名

瑞牒光昭獻萬八千春曼壽及夫蘭觴祝

嘏日應長庚椒殿迎祥時開先甲

皇帝事隆法

祖

躬用娛

親定晉爵之樂章對廣筵而起舞山龍藻火以爲萊  
子之衣南咳白華不必廣徵之句望斑斕其五  
色彩煥

垂裳與搏拊而同聲節諧鳴佩孰云七功七德視此  
九成況復文子文孫相爲三耦椒蕃芝茂長圍  
介祉之筵雪藕冰桃

賜出舍館之室別有兒齒鮐背紺髮方瞳三皇之世  
如春太古之人多壽一家旦奭召公最號大年

二相元豐洛下競傳高會番番元老是

帝世之夔臯赫赫虎臣作

熙朝之方召懸車歸去

賜杖扶來山中之泉石皆

恩

天上之雲霞重到聚爲九老增列三班地亦香山人

如酈水

錫之壽考

天章親注長生貌得鬚眉妙筆爲添笑頰羣仙拜舞  
集於西池一卷賡歌藏之東壁皆荷

慈和之慶是成壽域之符於斯時也藹若春臺盎兮  
夏宇千村結綺萬戶開筵家多親睦之民世享  
彭篋之壽士樂菁莪於周雅農稱羔酒於豳風  
星空貫索之扉宿耀天弧之彩是蓋我

皇上根心之孝四海攸同

皇太后篤慶之祥萬年彌永

臣

情殷酌兕詞愧雕蟲



幸際日升月恒之隆彌切蹈德詠仁之悃敢辭  
蕪陋抒鳧藻以揚休敬效歌謠罄葵忱而獻頌

維

清應運允升大猷維

彤闈啓

聖百祿是道皇矣

聖母衍慶貽謀惟德之行若如肇周儷

天應地無疆惟休斂時五福兆圖膺疇粵重光之歲

誕協

慶期

叶

長發其祥萬邦作孚

叶一章

帝德廣運以受方國

帝奮厥武救寧西域自出日無雷萬方以無拂念茲  
戎功

運謨宥密曰匪

予武福由

璇極新田屢豐納其總種玉琯銀鏤充我庭實職方

錫貢獻圖

京室二章

月正元日其日辛丑居卿告祥三光順軌叶燦燦苞

符惟

天其右

帝曰休茲理紀之偶靈貺誕膺辭而弗有永言孝思  
惟

聖母單厚錫茲純嘏

予敢不祇受以承

天休綏我

慈壽

三章

瞻彼清涼實惟福地

帝奉

文母吉日攸蒞六天雨華諸佛授記時仲之春行慶  
施惠輦轂騰懽望殷吳會日獻歲發春

皇其展義

慈雲靄黼大澤將至民悅無疆不應後志

四章

維一之日日南至前春暉滿野香雲護駢

帝迓

文母至自仙園龍舸迤邐鳳蓋翩翩松亭舞鶴琪樹

棲鸞

帝親待行華袞導前對時育物知水仁山從容承

旨用佐

懿歡 五章

帝朝

文母視膳日親北斗爲斗南山爲樽何羨非玉何餽  
非麟侑儀九九旣盛且繁應圖合經媚川輝山無有  
遠邇方物畢臻金輪淵龜玉獻西崑禱皇綵牒備登  
以陳 六章

維

帝崇

親盛禮具舉山佩委垂袞龍起舞濟濟天潢鸞停鵠

佇綴兆分行進退以旅樂奏元初

皇敬法

祖鐘律應期雅章新譜兜離襟休咸備樂府太和翔  
浴永篤

慈祐 七章

鬱鬱古槐茂於璧水壽考作人文明以止絳老百年  
同居志美

帝嘉敦龐旌厥仁里羞耆禮隆錫杖授几崇上

寶符恭謁

懿祉炳蔚

奎文陳之瑤祀

恩綸如春八絃咸喜

八章

彤宮丹雘體象坤靈迪康介壽

聖母攸寧貢珍九牧來會於京花宮梵唄虔祝

嵩齡旁及萬國纏頭穿肱曰俾爾民同樂稱彼兕觥  
含生之類仁壽咸登於萬斯年敬頌



慶成 九章

皇太后七旬萬壽頌

謹

湯先甲

臣聞至治之極先順乎親聖人之德無加於孝是以欽明光被時雍成既睦之勲濟哲升聞風動底克諧之化有娥秩祐實開長發之祥太姒徽音肇啓卜年之永夔倫敘而兆民是若端本宮庭和樂積而萬福攸同觀成海寓若夫

孝治孚於下土四表歸懷

至德格於

蒼穹三辰協應

皇圖式廓超邃古以定模

天貺攸崇創璣衡而表瑞膺茲嘉會端在

聖朝欽惟

皇帝陛下建極綏猷體元篤祐緝熙而膺三統適符  
重光累洽之時兢業以撫萬邦彌殷履盛思謙  
之志續

五朝之大烈道在覲揚輦億載之鴻圖命基宥密鉤

鈴朗潤知爲

聖孝之鬱含譽光輝識是壽昌之應欽惟

聖母皇太后陛下仁慈緝化敦靜含章椒殿凝禧不  
顯思齊之

懿德瑤圖衍慶尊歸長樂之

母儀基萬化而運一心式昭淵穆答

天庥以成人瑞永底隆平際此太和翔洽之期彌徵

厚德安貞之裕

皇上晨昏無間愛敬有加愉婉承

懽並舉日三之禮雁鴻錫類益迎時萬之庥

宵旰求寧安民卽爲養

志明敷籲俊知人所以事

親時維乾隆辛巳之紀元恭遇

慈寧七旬之

聖壽敷天燕喜當大有上九之爻匝地鴻庥享旣醉

太平之福乾樞清淑景緯獻其珍符坤絡昭融

動植呈其嘉應乃者春王正月夏令三朝瞻二  
曜之同章復五星之順軌輪重奎聚攝提方指  
於益陬璧合珠聯懸象更明於亭午序逢首歲  
知萬年昭受多福此爲肇端位正重離見中天  
景運方新斯其明驗是惟

聖人之

母當此嘉祥亦惟

天子之

親膺茲瑞命此中外臣民之所共見實古今書策之  
所罕聞誠宜宣付史官昭茲來許而乃祝釐介  
福廷臣申表賀之情保泰持盈

聖主下撝謙之詔蓋善承

天者益思應以實而善言

天者必有驗於人

國家規矩二儀紀綱四國基億萬年無疆之

景命拓二萬里有截之版圖上下交而其志同大法

小廉何啻星輝雲爛陰陽和而萬物得年豐人  
樂不殊鳳舞麟遊斯誠敬

天勤民之本圖洵爲視履考祥之切務

王言大矣幾康廕日監之思

乾象昭然保定固

天申之祿維時陽生於子日至自南亞歲迎祥蒼籙

紀五雲之瑞黃鍾入律鴻鈞轉一氣之春仙荔

呈姿長向萬年寶樹芳芸煥采時兼三秀神芝



繡線添紋茂對迎長之景葭灰度瑄象占來復  
之期大輅充庭雉尾初開宮扇雕戈列陛龍旂  
齊擁

宸旒接雲氣於蓬萊金鋪絢日拱星文於閭闔玉檻  
凌霄

天子於是捧瑤竽而稱觥躋

璿宮而介祉禮容肅穆山龍瞻舞綵之儀仙掌高舉  
沉澗佐調元之氣

天潢就列振振公姓之班

玉牒分行藹藹家人之禮階陳五瑞僚銀榜而承  
筐仗擁千官候銅壺而肅帶三呼齊祝願樹北  
斗之樽九譯來朝共上南山之壽

慈顏有喜八方屬交泰之時玉會成圖六合應同人  
之象旣而辰旂肆轉甲帳齊開當中衢以賓尊  
詔大官而式宴鈞天合響后夔進調露之章咳  
夏陳辭師曠按承雲之曲

玉墀風度香繞爐烟卸砌晴熏春回

黼座筵開瓊島更霑內府之美酒賜黃封還倚仙山之果於是典禮既洽

慶賜遂行承

懿旨以推恩發

德音而施惠勲賢並敘尚親與尚貴有差內外鈞勞懋賞與懋官一體文昌色正春風開藥榜之花貫索星空肺石肆圓扉之管投醪挾纊喜動千

屯賜復蠲租權騰九陌凡風雨之所和會日月  
之所照臨職方之所未經分野之所未著莫不  
浸潤衍溢溥暢昭蘇天下熙熙咸登壽域玉民  
皞皞盡入華胥臣幸際昌辰恭逢

聖節三千年結實曾聞度索之桃八千歲爲春莫量  
大椿之壽仰慶雲之紉緜繪事難工樂化日之  
舒長容光必照負暄以獻願隨絳縣之民擊壤  
而歌思效康衢之祝謹拜手稽首而作頌曰

大清受

命烏奕焜煌星源毓派若木舒光義聲巖迭仁惠雲  
翔卜年億萬載錫之慶洪惟

三后克配於京邇安遠肅樂徧禮行山川清淑日月  
光晶以

聖繼

聖赫赫明明

皇帝即位式廓絃綱規天矩地育夏甄商體膺上哲

運際中陽丕承

謨烈曰篤不忘欽惟

聖母慈惠淵穆華渚承釐瑤樞表淑

懿訓聿昭

徽音允肅後天之期孔綏百福

天子聖孝愛日春暄

彤闈視膳玉輅承軒博施備物錫類推恩以天下養  
萬化之原

天子聖武兩階千羽日際來玉月竊奉土業峻阪泉  
功崇丹浦上於

慈寧受

天之祐

天子聖神綏懷遠人經其疆域卻其貢珍翦逆撫順  
悉臣悉民上於

慈寧與物皆春維歲辛巳

聖母萬壽璧曜先春珠躔列晝三素占雲五紋添繡

日永陽升

上帝所祐

帝祐維何箕疇攸敘時其而陽介我稷黍人惟樂康  
物無違拒敷錫庶民咸得其所敷錫維何樂以天下  
德洽神人惠均朝野魚旒觀鳳凰梧肄雅泂濩醇醴  
是謂大嘏大號其渙受福孔多旣齊旣敷惟修惟和  
提封宇宙玉帛山河襲六爲七播之聲歌

慶禮洽矣



至德商皇緝熙宣化執競頌常大亨以正品物咸章  
臣拜稽首

聖壽無疆